



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E TË
DHËNAVE PERSONALE

Nr. 1028/Prot.
3

Tiranë, më 2 11 2016

REKOMANDIM

Nr. 24 datë 2 11 2016

Në mbështetje të neneve 29, 30 dhe 32 të Ligjit Nr. 9887, datë 10.03.2008, "Për Mbrojtjen e të Dhënave Personale" i ndryshuar, neneve 77-112 të Ligjit Nr.44/2015, datë 30.04.2015, "Kodi i Procedurave Administrative të Republikës së Shqipërisë", Zyra e Komisionerit ka kryer hetim administrativ në ngarkim të kontrolluesit Hotel "Xheko Imperial" – Xheko sh.p.k. Tiranë me aktivitetin e tij në formën ligjore person juridik,

KONSTATOVA:

Në zbatim të Urdhërit Nr.204, datë 28.09.2016 të Komisionerit për të Drejtën e Informimit dhe Mbrojtjen e të Dhënave Personale, të dalë për realizimin e këtij hetimi administrativ, nga grupi i inspektimit u realizua kontrolli pranë kontrolluesit Hotel "Xheko Imperial" sh.p., konform procedurave administrative, me objektin kontrolli si më poshtë:

- Zbatimi i Ligjit Nr.9887 datë 10.03.2008 "Për mbrojtjen e të dhënave personale" i ndryshuar dhe akteve të miratuara nga Komisioneri, në lidhje me mbledhjen, përpunimin, ruajtjen dhe sigurinë e të dhënave personale, gjatë kryerjes së aktivitetit të kontrolluesit Hotel "Xheko Imperial" sh.p.k.

Grupi i kontrollit, gjatë kryerjes së veprimeve procedurale, u asistua nga përfaqësuesit e kontrolluesit, të cilët ishin njohur me Urdhërin Nr.204, datë 28.09.2016 të Komisionerit.

Nga hetimi administrativ i kryer pranë këtij kontrolluesi u konstatua:

1. Kontrolluesi mbikëqyr e ambientet e brendshme dhe të jashtme nëpërmjet sistemit të video-vëzhgimit (CCTV). Konstatohet se në hyrje të ambienteve të brendshme nuk janë vendosur tabelat informuese në lidhje me prezencën e sistemit të video-survejjimit. Kontrolluesi nuk disponon rregullorë në lidhje me funksionimin e sistemit të video-vëzhgimit (CCTV).
2. Kontrolluesi nuk ka rregullorë të posaçme për mbrojtjen e të dhënave personale.
3. Kontrolluesi regjistron klientët në regjistra të miratuar nga Bashkia Tiranë. Regjistri përmban të dhëna të klientëve duke filluar nga data 19.01.2016 e në vazhdim.

4. Kontrolluesi nuk aplikon politikat e privatësisë në portalin zyrtar <http://www.xheko-imperial.com>.
5. Kontrolluesi nuk aplikon Deklaratë Konfidencialiteti me punëmarrësit.

Konstatimet e mësipërme përbëjnë shkelje të neneve 18, 27 dhe 28 të Ligjit Nr.9887 për "Mbrojtjen e të dhënave personale" i ndryshuar.

Në cilësinë e provës materiale, procesverbalit të inspektimit ju bashkëngjiten dokumentet:

- Formular Njoftimi i kontrolluesit "Hotel Xheko Imperial" sh.p.k.
- Fotografi të ambienteve.
- Ekstrakt i Q.K.R._së.
- Printim nga portali <http://www.xheko-imperial.com>.
- Formular i regjistrimit të klientëve.
- Urdhër i brendshëm në lidhje me trajtimin e kërkesave për të dhënat personale të stafit dhe klientëve.
- Rregullore e brendshme e funksionimit të "Hotel Xheko Imperial" sh.p.k.
- Kontratë pune tip për punëmarrësit.
- Lista e punonjësve/staf të "Hotel Xheko Imperial" sh.p.k.

Në përmbyllje të procesit administrativ, në prani të përfaqësuesve të kontrolluesit u hartua dhe lexua procesverbali i mbajtur për këtë rast. Nga ana e tyre, përfaqësuesit e kontrolluesit paraqitën pretendimet: "Për konstatimet e lëna nga grupi i kontrollit, do të marrim masat e duhura. Aktualisht jemi në proces konstruksioni."

Në zbatim të neneve 87-89 të Ligjit Nr. 44/2015 "Kodi i Procedurave Administrative të Republikës së Shqipërisë", datë 30.04.2015, përpara marrjes së aktit final, kontrolluesi "Hotel Xheko Imperial" sh.p.k., Tiranë është njoftuar zyrtarisht për pjesëmarrje në seancën dëgjimore që do të zhvillohej në datën 25.10.2016, për të ushtruar të drejtën e tij për tu dëgjuar.

Përfaqësuesit e kontrolluesit në këtë seancë dëgjimore paraqitën prova, të cilat demonstrojnë realizimin e shkeljeve të konstatuara, të cilat konsistojnë në:

- Vendosjen e tabelave informuese në ambientet në të cilat kontrolluesi ushtron aktivitetin, me qëllim informimin e subjekteve të të dhënave mbi prezencën e sistemit të video-vëzhgimit (CCTV) dhe hartimin e rregullores për funksionimin e këtij sistemi.
- Nënshkrimin e deklaratës së konfidencialitetit nga punëmarrësit.
- Hartimin e rregullores për mbrojtjen e të dhënave personale gjatë ushtrimit të aktivitetit të kontrolluesit.

Zyra e Komisionerit, vlerëson bashkëpunimin e kontrolluesit me grupin e hetimit, i cili ka qenë i ndërsjellë në funksion të zbatimit të ligjit.

Sa më sipër:

Në zbatim të Ligjit Nr.9887, datë 10.03.2008, "Për Mbrojtjen e të Dhënave Personale", i ndryshuar dhe në kuadër të gjetjeve të hasura pranë këtij kontrolluesi,

REKOMANDOJ:

1. Kontrolluesi Hotel "Xheko Imperial"- Xheko sh.p.k. Tiranë, në zbatim të nenit 22 të Ligjit Nr. 9887 datë 10.03.2008 "Për Mbrojtjen e të Dhënave Personale" i ndryshuar, të ketë në vëmendje përditësimin e formularit të njoftimit, për të gjitha proceset e reja të mundshme në vazhdimësinë e aktivitetit të tij.
2. Kontrolluesi Hotel "Xheko Imperial"- Xheko sh.p.k., Tiranë, në zbatim të nenit 18 të Ligjit Nr.9887 datë 10.03.2008 "Për Mbrojtjen e të Dhënave Personale" i ndryshuar, të marrë masat për të përfshirë në faqen e tij të internetit rubrikën "Politikat e Privatësisë".
3. Kontrolluesi Hotel "Xheko Imperial"- Xheko sh.p.k., Tiranë, duhet të realizojë detyrimet rekomanduese të këtij akti, në vazhdimësi për pikën e dytë të këtij rekomandimi dhe brenda 15 (pesëmbëdhjetë) ditëve nga dalja e tij.
4. Në rast mos përmbushje të këtyre detyrimeve, Komisioneri vepron sipas nenit 30, pika 2 të Ligjit Nr.9887, datë 10.03.2008. "Për Mbrojtjen e të Dhënave Personale", i ndryshuar. Komisioneri në rast shkeljesh serioze, të përsëritura ose të qëllimshme të ligjit nga një kontrollues ose përpunues, veçanërisht, në rastet e përsëritura të moszbatimit të rekomandimeve të tij, vendos sanksion me gjobë për kundërvajtjet administrative dhe e denoncon publikisht ose e raporton çështjen në Kuvend dhe në Këshillin e Ministrave.

Ky Rekomandim u shpall sot më datë, 2 . 11 .2016

BESNIK DERVISHI

KOMISIONERI

